

29.07.2016.

Potpisani ugovori s korisnicima sredstava



U Ministarstvu za privredu danas su potpisani ugovori o korištenju sredstava po Programu podrške razvoja neprofitnih organizacija s područja Bosansko-podrinjskog kantona Goražde za 2016. godinu.

Ugovore je kao ovlašteni predstavnik Ministarstva za privredu potpisao stručni savjetnik za pravne poslove Emir Hodović, dok su u ime korisnika sredstva ugovore potpisali predsjednik Obrtničke komore BPK-a Saudin Hadžić, predsjednica Udruženja poslodavaca BPK-a Šejla Bojadžija i predsjednik Privredne komore BPK-a Dževad Terović.

Korisnicima su dodijeljena sredstva u iznosima od po 5.000,00 KM koja će biti iskorištena za provođenje programskih aktivnosti pomenutih organizacija, njihovu održivost i postizanje programskih ciljeva.

Potpisanim ugovorima regulisana su međusobna prava i obaveze potpisnika koja se odnose na način utroška i kontrolu utrošenih sredstava, te druga pitanja od značaja za realizaciju ugovora.



